

懷清堂集卷七

仁和湯右曾西厓

八月十五夜試院煎茶用東坡韻作二首

鑊廳萬竅蛄蚓生石鼎三沸蒼蠅鳴清風過雨差一快卷
幔忽颺茶烟輕閣門之并非第二煮水蠻陬此何意要將
冰雪滌煩煎清清泠泠落夜泉石花蒙頂來自蜀顧渚萬
芽如屑玉一車載茗不療飢猶勝觀餅居井屑木蘭始芽
瑤草苗一啜已有清香隨君不見露寒桂滿今宵好細泛
風簾淅淅時

門外立鵠慚諸生老夫投牀作雷鳴樓頭紙落如飛雪沈

宋時名誰重輕休論揚一與益二險阻西來識天意淄澠
別白勤烹煎由來相士如品泉相如子雲出西蜀昆吾寶
刀于闐玉楚宮細腰常忍飢城中佳人矜廣睂各爭好尙
異妝束輕裾利屣行追隨君不見牽蘿補屋誰氏子絕代
風流羞入時

黔陽絕句

西南諸寨接牂牁風俗傳來火濟多紅犴猪連花犴猪白
羅羅雜黑羅羅

依稀九驛認龍場烏撒平開蜀道長莫怪西溪水嗚咽至
今婦女說奢香

白白紅紅繡袂花盤絲繪蠟儘堪誇自吹木葉銀環女者
卜河邊問宋家

清涼山下躡雲行飛越峰初振鬣鳴高柳斜陽易蕭索百
年陵谷養龍坑

葦撥陰繁呼菊醬芙蓉色豔斲丹砂一叢露洗邛王竹六
月風開鼓子花

刺梨秋後正舒芒擘得黃柑齒頰香不是瘴昏青草候客
梓也自進檳榔

四十三盤關索嶺五千餘仞相見坡阿蒙阿字休勞苦聽
唱山前山後歌

得晴三日卽神仙

諺曰烏撒天常披瓊
三日不雨是神仙

谷暗雲埋是漏天

卻怪一旬山雨絕中秋分外月輪圓

羊腸鳥毳路將窮如綫鈎連六詔通一匹練遮滇海馬萬

牛脊斷振山銅

熨童蠻女競相將翠罽花鈴一兩行細雨黃絲驛前過叢

祠香火竹三郎

閩梅公中丞出觀家樂

燒殘絳蠟月朧明百和香中吹玉笙一片綵雲飛不散曲

闌干外豔歌聲

探喉一串玉盤珠華屋神仙絕代無惱亂中丞筵上見梨

園弟子李仙奴

審音荀令與周郎檀板銅槽共一牀
山雨乍收簾月白聽風聽水按伊涼

玉雪兒郎髮未齊嫩叢蘭蕙出香溪
南朝瓊樹無人見嬌小宮鶯恰恰啼

管咽絃停意淺深雲窗六扇漏初沈
已迷秦客風花路休笑吳兒木石心

東山與梅谿長老

巉絕發曇寺樵人細逕分路黃秋後
葉山黑雨餘雲馴鶴投空下疎鐘入
定聞蚤耽清淨義花界宿氤氳

聞道峨眉老心空日坐禪
鬢絲蠻嶺雪鄉味蜀山泉
飛錫來千里哦詩剩幾篇
黃花兼翠竹節物兩悠然

自百盈泉至黔靈山寺

憶昔冒雨東山行山寺粥鼓傳
新晴雲中黛色幾千尺兩
腳已鞞芒屨輕寒花修竹自閑
麗赤髭白足相邀迎孤亭
崔嵬出林罅下睇萬瓦浮連
薨黔靈一峯隔嶺背但見紫
翠烟巒并歸來合眼想娟妙
坐覺天宇開崢嶸今晨欵門
少賓客襟帶蕭蕭散帷齋清
公廚三日會當去十里肯惜
游山程疎風細雨引前路小
蝶豔豔繁秋英道逢樵客看
碁罷亦有田父衝烟耕雞鳴
竹裏淡日色犬吠塢外喧溪
聲

扁釣亭中一泓水晝夜百度無虧盈清甘未得借瓢飲空
負桑苧煎茶情草中覓路轉蒙密巖頂踏逕頻迴縈琳宮
突兀佛塔湧古木上與闌干平祇園弟子越千指盡學寂
滅談無生青山門外幾風雨一縷坐看香烟橫維摩方丈
清晝掩天女一笑花爲榮尋詩問法兩無礙空手欲控橫
江鯨法華魚肉何足啖自煑蔬菽炊香秔萬錢詎抵一飽
樂盤案已洗秋營營蠻花峒草足瀟灑斗大未可輕山城
他年林端發蒼荀道人記我曾畱名

龍里別錢蒼浮兼寄王介夫楊青村汪道百

驛館燈初爇天邊鴈失羣溪聲寒漱玉嶺樹細叅雲別酒

一宵罷孤懷萬里分憐君好才調蠻府作參軍

風流王武子邊徼十年遲州縣官曹屈聲名

人主知

時方

見歸

陸蕭條閑歲月意氣好男兒漏鼓山城夕明燈想後期

楊侯出宰日遺老贈圖經官舍如菴小荒山入縣青離杯
宛猶昨夜雨忽同聽愛爾溪風句清音共窅冥
烟沈青草瘴月上鐵溪魚執手時未幾淒風歲欲除苔痕
漬雨後楓葉得霜初好共嬌兒語琅琅聞讀書

重經高真觀

羽化亦云久靈扉長不扃石池雲掩靄檐桂雪蔥青月白
起鸞吹天寒梳鶴翎丹經遺訣在吾欲寄頽齡

倒馬坡望張三丰仙影

峒峒青雲梯汎汎紫烟路似聞駕鴻人凌虛從此去真人
塞其內外像非所務大哉宇宙閒神游無不寓西馳追金
鴉東走逐玉兔揮戈縱可迴運化等塵露不見崑崙頂精
魄得長駐

鎮遠寄道百

投分固膠漆託契共芝蘭弱歲爲兄弟憂樂每相關如何
中分飛參差各羽翰風雨一乖睽驚嗟合併難

合併安可期倏忽成對面念子蠻中居五年不相見睢盱
視殊俗顛顛頽頽領異縣每得懷袖書書來增繾綣

繾綣臨蕭晨歡笑旋酸辛行輶倚門左餞道出城闈離言
豈爲繁悲至不得陳但語各努力門戶寄一身
一身不自由念我與子同來如浮水萍去若衝風蓬憫憫
日月逝析析蘭蕙叢二頃種秫田懷哉歸老農
老農詎易學艱難少生理敝屣累妻帑斗米戀祿仕坐君
臨池閣倚君讀書几沉吟身世間憂來誰舉似

鐵谿

一水弄清暉沿流屢迴轉山光坐超忽明媚翠微淺穿沙
湍瀨激絕壁屏障展緣溪逕透迤迤置足石頻選漁樵分野
席一笑謝軒冕長潭數游儵懷古寄餘緬巖端花雨落翠

色自舒卷苔滑仙人橋竒懷阻游行松根隱修蛇雲外聞
吠犬陰崖寒鐵色千尺高偃蹇蠻荒人迹稀荆棘密不翦
古來佳山水梳剔人所顯欲鑿巖巒幽小筆媿雕篆徘徊
悵將歸寒露夕已泫

中河山佛閣懷道百

霜重水澄碧清江澹淡波故人天末遠佛閣晚來過雁齒
萬檣列蛾眉羣岫多幽期成獨往惆悵對山阿

登舟

馬歇休筋力舟行任起居喜隨鷗去遠憶共雁來初鄉思
縈閑日郵籤報睡餘殷勤託雙鯉萬里夜郎書

自平溪至便水

五更江起霧暗裏蕩雙槳洶洶無停聲浩浩信長往推篷
暫窺臨牒子浪花上川光互明滅山影迷俯仰纜船呼晨
炊風日漸晃朗澄澄碧波映皎鏡平似掌迴湍成圓淵觸
石怒濤響灘行屢紆直石骨轉森爽天寒竒姿露刻畫勞
萬象千林散青紅絕境見無兩晨霞互彬駁雲錦亂泱泱
緣流悅舊山水盡憶弭榜永懷滄洲趣暫此清尊賞

楓木塘

如此江山臥不起兀兀篷窗云睡美坐令拊掌笑兒童飛
槳聲中醜面水起看嶺雲斷復續更誇霜葉紅閒紫佳時

九月十月中孤棹千山萬山裏青螺髻縮石簇簇白玉盤
堆水瀾瀾漣漣褫羽落沙鳥喧穉種田紅野老喜村中嫁女
捉鷺鴨船上呼兒數魴鯉幾疊屏風碎錦斑一奩明鏡香
雲委漁燈隱隱襯霞上塔火沈沈出水底湖南風物足畱
連不獨騷人詠芳芷

橫江

紅樓白舫家家好翠壁丹崖面面稠佳處真思市門隱生
來愛作賈胡畱三江雨氣連沅口九疊山光望靖州柱史
亭前懷古客西風荆棘野塘秋

溱溪值驟風雨

懷濟堂集 卷十
七
邈迴信所如，淑溪日云暮。
淦淦四山雨，冥冥一江霧。
驚風吹弱纜，勢挾短篷去。
舟人走相呼，童僕眩屢顧。
有客方歌嘯，矯首義陵路。
華蓋千仞山，桃花萬年樹。

辰陽舟中

善卷古先生，閉戶養芝朮。
年年丹砂水，清淺洞門出。
福地闕幽棲，烟蘿望中失。

南山孰云移，感此風雨暮。
一峯如靜女，嫵媚水北住。
相向淡無言，飛雲日來去。

清浪灘寄查浦

子昔談此如秋河，梢瀆撇漩險。
莫過中宵不寐念，今日一

葉果落千盤渦驚霆過耳電閃目乍劈急箭投飛梭雷洞
清浪三十里虎牙石怒聲相磨灘師爲言伏秋漲駕天白
浪高崑崙橫江大艚不敢下袖手但聽漁郎歌只今天寒
潦水縮香火尚乞神撝呵下灘波平水濫灑秀色諸嶺紛
坡陀盛衰苦樂互更迭物理如此人誰何念君秋風不得
意席帽尚沒黃塵窩種成不惜五石瓠網去已失千尋柯
古來才大有時用四十未可悲蹉跎旣不能手把鋤又不
能肩負戈免毫千尖掃皆禿文章小技用則那人間主客
盡偪仄與子安得辭風波繫纜水之湄晚飯山之阿江天
風月等閒有添箇雨笠兼烟蓑唾壺擊缺人不憐老驥誰

秣瓊山禾勸君莫學王處仲須學神仙張志和

江上晚泊

飛霰淒以零重陰沍還止靡靡寒威積浩浩夕風起落帆
逗前浦竹葦數家市畏虎思蚤眠炊烟尚墟里懷歸逝川
遠日夜向東駛風燈夜凌亂水國天渺瀰悵望離緒多淒
斷誰復理

發益陽

行艫將安窮南溟阻瀾汗交流漚沅澧川路俄已半風波
話辛勤寢興錯昏旦蕭條意不愜淒厲歲云晏伊余初祇
役茗華正堪玩百卉今已腓奄忽衣裳換蒹葭天水永鳧

鷺汀洲亂落日長沙人微風洞庭岸遙岑眇欲盡近慮澹
已散鼓枻聊一吟悟賞非情歎

見月

地霽氣逾肅天高寒更爽頽陽旣西傾皓魄復東上餘霞
澄澹澹張樂楚天廣孤光初出匣素景俄映幌號籟葉辭
條流哀鴈沈響念當窮陰節共此清商賞遙帷滅燈燭冥
坐寄遐想眇睇西南星爛爛見三兩投浦遠烟暝淪照夕
波往杳杳依行帆悠悠送歸槳驚魚時撥刺鄰船響夜榜

湘陰

清江如玦環落日漱金碧帝子游不返瀟湘水沈夕薺樹

懷清堂集 卷七 九
遠含青水花寒吐白行艦隱迴洲礧礧泝淺流旅泊淹遷
次動息異沉浮天長沒歸鴈江遠疾去舟會幾時雪
消春草滋西南風信惡心急行轉遲留將送歸檝美滿高
桅吹

望長沙作

湘流若浮空列岫出遙淑水遠不可極的的烟帆舉蘭茝
悽已衰風波杳何許日暮弔湘君微雲斂平楚

泊長沙西門追念舊游有感

玉礧金沙儼畫圖水清了了見樛蒲湖南賓客今顛顛暮
雨湘西聽鷓鴣

同劉青岑游嶽麓寺

孤櫂隨輕風江波澹容與歡言故人駕共此霜洲渡遵岸
草徑微層陰嶺雲沍去鴈飛且鳴驚磨走還顧威紆陟崖
广隱見蔽烟樹入院聞佛香悠然得微悟石門寒葉積竹
筓暗泉度牕中洞庭野木末瀟湘路松關映殘雪時新物
已故諾公詩家流雕琢有秀句相將共游衍往復愜歡趣
曖曖日隱村沈沈水生霧歸撓雜燈火山氣上烟露人生
流電驚雙鬢易衰素期君簿書暇有約勤來赴

登雲麓峯望南嶽歌

我聞三神山遠在東海東神仙恍惚路難到世上五嶽蟠

胸中憶臨滄溟倚日觀九萬曾踏扶搖風昨辭蓬萊建羽
節陽景一翳迷高高西南萬里入羅鬼似墮幽井窺圓穹
東還雲夢吞八九張樂已在軒轅宮七十二峯青聯屬蒼
梧天外雲濛濛清湘水流環九面南嶽神鎮齊三公靈妖
物怪藪藏納丹雘赤幕光瞳矐峯峯低昂宛相次獨有紫
蓋爭祝融雷泓風穴互開闔玉書金簡留穹窿响嶠山尖
蚪蚪字人跡欲到路已窮使者虛亭花藥繞山人仙骨烟
霞通似聞綠髮有毛女不少翠羽來青童離宮福地入縹
緲目所眺矚攀躋同衡陽縣前昔騁望壓陣巉嵒雲排空
仙山咫尺俗緣誤况今百病中交訂升高視遠腰腳軟左

右扶掖如衰翁道人鐵瓦繡遺構拜嶽之石高龍從九疑
清猿怨遙夜洞庭落日浮孤篷漢女幽蘭冉冉翠楚妃淚
竹斑斑紅振衣周覽窮上下忽與意思增清雄人閒擾擾
等蟻蝶慎勿變化隨沙蟲君不見迴鴈峯來八百里揮手
欲駕冥飛鴻

至舟中復得一絕句

渡頭碧縷郊門柳扇底紅鱗野寺魚一種閉情兩惆悵風
簾殘燭照繡書

黃陵廟

初日黃陵廟微茫楚塞分烟中塵漠漠祠下水沄沄叢冷

歲蕤竹湖荒散漫雲何人酌椒醕寂寞酹湖君

江夏寄朱悔人王孟穀

長安舊儔侶游好在斯文往者已陳迹髯今尤逸羣荆門
寒翳雪夢澤晚連雲悽斷郢中唱孤懷正憶君

贈別玉河柳烟條春景初頭陀寺前雪復此感離居漢上
數歸棹湘中闕報書殷憂結之子消息比何如

赤壁謁蘇公祠

東逝隨流波孤舟日沿越晚經齊安郭振迅夕飈發水惡
不可渡連山浮溟渤繫纜陟臺基登闈矚岑樾蒙茸翦已
久軒敞樹華闕名賢迹偶經萬古斗柄揭楚澤叢香草餘

芳殊未歇當時馮夸宮幽怪鑿毛髮紅沙漲圻岸漸遠波
匿窟拾級連巖高天長鳥飛沒垣墉起迢遞林麓傍隆宰
縞衣揖羽流綠髓鍊金骨憂來思洗醖浩蕩醉江月

遊寒溪西山

劉郎汎下波隱天楊葉洲邊初扣舷清江如畫浪伏息武
昌樊口山依然峩峩幾尺開烟鬟吳宮美人顏如蓮千年
臺殿沈野水石上空有金牛眠寒谿冰雪凍始堅涸絕不
復流涓涓溪橋一綫度微逕孤寺冷落生炊烟九曲亭中
荒草菅西山佛閣危峯顛仰穿蒙密入木杪下俯曠放羅
山前老僧饑癯不能饘階下唳鶴清吭圓迴廊塔院舊香

火一指猶說南宗禪松風閣下松叅天斤斧斬伐根株連
神光夜發認何處千牛乳潑菩薩泉東坡居士久得仙高
安酒宮詩幾篇秦張雅游等蟬蛻涪翁妙墨今誰傳窰樽
石上醒醉顏風霜退谷如春妍漫郎文采磨不盡江水日
夜鳴濺濺南湖一片浮漪漣渚日欲沒孤霞鮮菱菱菰蒲
歲晚盡莽莽楚藪如平田一邱一壑性所便雲腴澗實隨
因緣風波流泊今偶爾江山主客長年年

武昌經吳故城

黃旗颭東南漢坻此深阻襟帶越江沔筦鑰重樊楚炎靈
運四百劔璽遺區寓龍戰爭分崩鹿捨失守府老瞞思竊

國天子不都許獅兒起江東名字劇乳虎英雄蓋世畧叱
咤輕項羽堂堂紫髯公早繼父兄武英賢備帷帟士馬交
鼗鼓疾雷破山紅驂驪空北戶濡須出艫舳整暇孰敢侮
天塹長悠悠國險民安堵犬牙崇雉堞鳳集建樓櫓裘冕
祀東郊圭幣薦后土袁山廣獵場豹尾神大姥時平離殿
起豔質歌且舞至今節度石連娟想眉懽釣臺灑酒面荒
哉賴仲父霸圖跡已陳江聲晚餘怒茫茫五嶼水逆浪打
次浦

將至九江見廬山

陰風清旦歇江影明灣濃烟中潯陽郭雲外匡廬山汀葭

離披盡沙鳥飛鳴還宿意冀申寫靈境何由攀

阻風九江舟中雪後寒甚羈愁旅况輒見於篇

急沫軋碕岸吹漂斷通津帆席分歸風逸矣廬宮神冰雪
意蕭摵羈旅事艱辛寄言褚諮議空此平生親

夙昔山澤游柴桑緬高節清風古猶今化遷名不滅睠言
舊墟里翳翳原上雪從公千載餘約心自流悅

盜城帶縈紆湓水森茫至長懷沉冥子北亭老遺世沙雨

潯陽門霜鐘二林寺清醕能見訪一酌徑須醉

樂天江州詩有尋李

十一云可憐衝雨客來訪阻風
人小榼沽清醕行厨煮白鱗

逐客未賜環酒官亦淪謫當時攜妻帑曾此江上宅驚濤

慈湖峽遠夢齊安驛悵矣感滯留庶慰風波夕

上鐘山

天寒水涸沙一痕石鐘之山下見根夏秋百川滙彭蠡遙
觸赤岸浮青溢是時石鐘始有聲噌吰鏗鞳風吐吞南音
函胡北清越非絲非竹搖精魂寥寥一噫吹萬有真宰無
朕妙語言眉州老仙去已久後者無繼知誰論長松千尺
窺月臥嫩篠萬箇交風喧山僧雅具看山眼布金此地開
祇園巖藏詰曲戶向背下或如墮高如軒去來今在一彈
指老鶴已瘞巢空存茶香一啜夢清遠江駛萬里流胾渾
既佳光景忍言去願結淨社依香門

放船至下鐘山

空濛一片雲滿湖西南風起吹檣烏淵淵且止發船鼓秀
絕下鐘山色無褰裳直上捷猿狖樂哉一幅寒林圖絕頂
飄颻目四豁左右江湖渺空闊烟波盡處洲渚微髣髴扶
桑見窮髮天旋地轉不少留迴看星氣忽已周扁舟歲晚
夢吳越匡廬五老空船頭銜鱸如山萬商集使者纓旌騎
吹入行人擾擾競錐刀落日悠悠下城邑前臨巨石紛盤
陀仰看絕壁青嗟我玲瓏窈窕萬竅出安得澗汨生流波
風聲水聲奈爾何只今埋沒塵沙多無弦之琴張素壁歲
久抑鬱恐不和一歌如扣鐔再歌哀知音洞庭木脫水深

深天高月白風入林或鼓或考聲欽欽嶺猿江鴈同夜吟
潛蛟出聽老龍泣漁父滄浪知此心

彭澤

宿雲初卷雨斑斑迎櫂神鴉杳靄開烟裏柳遮彭澤縣夜
來潮落小孤山青螺峯色寒應歛錦瑟年華客未還欲折
梅花寄歸信尚憐蹤跡滯江關

馬當山

喉吻從來說呂梁古今夸險已茫茫君看白日青天在弄
水乘潮過馬當

除夕泊蕪湖

一年臘盡可憐宵
樺燭椒盤總寂寥
荏苒歲時淹旅宿
青紅兒女又明朝
玉堂故事書春帖
茆屋豐年望斗杓
閒與村翁話疇昔
漸看燈火上江橋

元日登梁山絕頂

看山萬里行未足
蠟屐復此凌天門
五丁鑿關巖谷走
兩戒截出江流奔
垂天之鵬羽翮奮
橫海有鯨鬣鬣翻
東西屹立如有意
吳頭楚尾爲藩垣
辛盤上日帆落蚤
白沙一道清江村
鼓斜得路躡飛鞚
下看落日如朝暎
疎林木葉寒不脫
已變凜冽回春溫
琳房金碧插天漢
舉手似可星辰捫
謝公青山紛在眼
漸與夕照嵐陰昏
扁舟徑欲下牛渚

怪魅不數魚與鼃十年以來逢此日仗下廣樂陳臨軒享
王鞞鞞殿廷舞纓綉簪履華星繁歸對妻帑日已肝人事
請謁猶煩喧山中清淨今何有道人與我皆忘言水底潛
鱗適浩蕩雲邊逸翮辭籠樊一年回首風雹過又與桃李
書朱旛惜哉花開我已去酌酒且滿屠蘇尊

采石磯

入春二日風和柔來尋采石追前游騎鯨人去三千秋縹
緲尚結空中樓登臨曠然銷百憂江波澄澄靜微流高艫
如積連汀洲天雞晨鵠戲圓漚下訪古碣斷不收四壁光
彩丹青畱蕭郎落筆秀且遒名山鬼窟洪濤浮恍陟玉室

凌丹邱嘯傲五岳輕公侯清風亭下思小休長松落落羅
道周如古君子蒼髯脩道人三四彭聃儔下臨洞穴巖牕
幽神鑿鬼斧工雕鏤俯仰今古同悠悠云胡不樂吾已媮
一聲欸乃隨棹謳飄然不繫乘虛舟

雪後望鍾山

建春門外鬱峩紫氣曾傳接絳霄飄灑鍾山夜來雪盤
盤雲際玉龍腰

晚出長千里

青谿還傍莫愁湖一片斜陽夕草鋪玉樹歌殘驚鐵馬寶
衣燒盡失金鳧樓空烽火山猶繞冰斷秦淮水半枯惆悵

長干小兒女夜深啼殺繚牆烏

夜半發青山曉抵京口

蕩涌生洪濤揚舡遠天際鯨魚掉其尾一縱千里逝微茫
曉鐘聲遙落金山寺

琉璃河題壁

綠樹陰濃露未晞槐根青翠濕人衣平橋野店日初上隔
水乳鴉零亂飛

懷清堂集卷七

懷清堂集卷八

仁和湯右曾西厓

丁丑三月二十一日晚過韜光禪院

澗橋徙倚老松根
肅肅巖扉自不喧
坐覺清風生石壁
行窮脩竹見山門
依依烟郭江光繞
點點林鴉海氣昏
卻怪白沙春漲闊
游人指點說潮痕

過吳門某氏別業

鳴禽變春聲
首夏開閑園
置酒度高閣
掃石臨前軒
疎花
蔦日長
衆卉交
風暄孤桐翠
新引密竹陰
已繁嘉賓盛
壺觴兀兀雜
笑言適意各
異趣寧知寂
與喧

題宋牧仲中丞西陂魚麥圖

漫叟江湖句翛然獨會心
將家時未可許國意方深
池館澄波曲襟顏嘉樹陰
西陂烟景好展卷得幽尋
渺渺蒹蒲岸蕭蕭水竹居
園中人自遠濠上興何如
散帙從漂麥臨池學種魚
謝公邱壑性雅與世情疎
雪苑今詞伯平生分最親
橫流思大老古意見綿津
水影漾已綠烟條發更新
蕭閑有何事魚鳥照風神

題宋山言授詩圖

人間詩句鬪英雄誰解蕭閑語
更工文采爭如宋公子五

言冰雪是家風

山谷詩翰林尚書宋公子文采風流今尚爾

自有門庭一瓣香
金鍼度與繡鴛鴦
承家徐庾多新體
文字鏘銖細覆量

佛香入院一篇詩
河曲分吟記往時
今日披圖見顏色
江湖落月十年遲

清水灣遇喬無功

落日生層陰
屯雲抱湖尾
風波客程阻
淮海夕流駛
隄迴隱行帆
邂逅見之子
絮語明燈初
離悰宵夢裏
堆盤釘蔬果
散帙爛文史
清吟憫瘡痍
滯潦去年水
深思理人術
感歎夜中起

五月十七夜游縱櫂園

停雲淡欲無清川相與閑臨泛自成趣何必江湖閒落日
漾彩翠微風散襟顏紛衍草木叢坐久宛深山暮禽共烟
暝孤月隨棹還沿洄遂忘歸水際門不關洞簫起層闥清
響結幽潺波心騎赤鯉亭上放白鷗何當乞刀圭仙藥解
我頑

縱櫂園四首

幽居適野性况此青林閒小閣夜來雨夕陽池上山風蒲
翠影亂水鳥滄洲閑釣艇射陂曲烟波時往還

主人蘭臺客昔侍未央宮抗議赤墀側拂衣滄海東風波
去不息流泊始無窮寂寂著書地悽悽寒露叢

安步穿橋緩銜杯入座遲水清盤石上風起夕涼時柳下
收魚笱蘆根立鶴兒鄰人暮吹笛長憶竹林期

流水撫遺軫鍾期失賞音逶迤泉壑地零落死生心胥水
池花夕連城海氣陰孤懷待明月有歎必盈襟

贈喬雲漸

昔游淮海濱嘉會君子同別袂一以判十年阻西東讀書
秋堂清漉酒春醅紅志士秉高節寧知道方窮出處理匪
齊離心抱忡忡連年相思札緘彼南飛鴻頗憂目近青輕
雲翳虛空端居結遙念何由豁羣蒙

君有東臯田近在射湖曲漫漫秋塍黃猗猗夏畦綠公家

懷清堂集 卷八 三
井稅畢伏臘資亦足河伯昨告灾千里等沈陸肅肅哀鴻
征啾啾飢烏宿高人甘藜莧儉歲供饘粥時吟瓊琚篇眩
晃古光蓄松門微月上茶乳汎新馥澹爾靜者心寧爲萬
物逐

喬柯有卑蔭清源無濁流束髮追羣彥與子心綢繆懷玉
被布褐遐哉今白頭叩門知緩急稻粱非身謀昔者鄭公
業衣食常不周又聞徐常侍傾家賣車牛懷君高世行太
息前賢儔

紆轡指京邑投鞅暫淮壖四序紛迴薄感歎非朱顏堂上
尊酒陳欵曲平生歡深愧鷄黍約凶年艱盤殮欲分俸錢

薄躊躇未敢言兒郎皎瓊樹世業書一編小築松石下深
心豪素間勤當注玉液餘念且勿關

題喬無功梅花書屋圖

冷蕊幽香自到門一鉤寒月近黃昏賦心合在橫斜處知
是淮南第幾村

淮陰舟中別喬介夫

沂流乘風濤落帆淮鎮泊蕭蕭原上雨分灑入林薄茅簷
燈火微隄纜管蒯弱長河風浩浩竟夕夢猶噩明晨攬衣
裳屯雲翳遙郭愁心依故處有酒不能酌况我同懷人須
臾成離索秋堂讀書夜風雨事如昨十年各飛沈所至異

懷清堂集 卷八 四
苦樂方將共游處心跡本寂寞買田未敢期農事慕東作

題介夫小照

屋後藏書萬卷新門前野水碧粼粼盧郎如此丰神好不
是牛欄雞柵人

送崑山和尚歸徐州

餅鉢自茲去支公真勝流帆低泊淮鎮花落到徐州余亦
慕栖隱年來感薄游羽衣明月下他日記黃樓

桃源曉發寄方若及無功介夫兄弟

雞鳴首北路不見淮南樹相望已相思別來會幾時黃河
流天外行子飛征蓋飛蓋路已遠黃河去不返願逐河上

舟渡河入淮流河淮水同注到君門
前住儻君烹河魚煩視腹中書

雨宿紅花鋪

夕陽明復翳蒼烟黯不收暮山沈
楚色涼雨入齊州細草衰餘潤
荒陂赴亂流夜燈檐浙瀝孤館
颯先秋

農家

農家此墟落無事掩門扉草際
餉田去烟中驅犢歸槿籬聞犬
吠茅屋有鷄飛薄稅輸官蚤應
知吏到稀

郟城道中

殘枝宿雨滴初日蚤霞明原上
橫霧氣林中喧鳥聲行人

渡野水驛騎轉荒城寂寞勞歌者因之感旅情

道上

出門隨動息際曉漸惹籠葭蒨媚幽色水雲澄遠空綠槐
山店雨紅蓼野塘風滿眼自畱翫休嗟途中

渡沂水

一葦問舟子淪漪復此閒澄襟照流沫暄景弄溪潺沙遠
川光滅人稀渡口閑悠然津濟樂誰信浪如山

沂州懷古

南山之南北山北無田何由可得食正復何用得食爲古
人高節三歎息少年雅慕東岡陂朝事詩書暮釣弋如今

老大轉自笑養雞牧豕無心力
瑯琊城頭啼饑烏羸驂劫
劫朝復晡不須更覓謝仁祖
得米但就陶胡奴

再渡沂水憩林中作

屢問漁人渡若爲林叟期
微波沙瀨激茂樹午陰移
花影宿蝴蝶川光隱鷺鷥
遙遙白雲嶺心憶入山遲

槿花

鮮鮮木槿花青枝間紅萼
不待怨秋風朝開暮還落

將至豐城集

廢隴深泥沒平蕪斷岸侵
悠悠古時路草草異鄉心
汲井茅茨下解鞍榆柳陰
臥聞牛下鐸是物有知音

沙亭峪始入山

嶽勢已垂盡客來心乍欣
渠鳴沙上雨雷起峪中雲
從此巖巒接遙知烟靄分
東臨滄海上一道翠氤氳

望雨

時在蒙陰道上

橫風自西來飛雨行東峯
峯雨氣接合沓陰雲重
下有隱君子含景佩蒼龍
歌嘯方自得閉門聽夜春

雨中曉發

遙山殷雷聲衾枕忽已曙
出門轉驟駢慘顏怨徒御
蔽翳陽景虧淹宿陰雲互
激激澗聲厲齒齒山骨露
人衝烟光出鳥驚暝色赴
霽日林半明迴風雨還度
蒙山杳何許茫

昧郊門樹析麻向中原剝棗懷往路清風吹襟袂一過澹
百慮夷塗良獨難安得辭跼步

雨霽

既霽氣色佳日照前山明宿雲尚迴合稍稍南風生南風
一披拂倏使陰暄清隔林送蟬響夾岸亂蛙聲昨來山雨
過水溢遂繞城茲焉已歸壑猶怯褰裳行叢生蓬與蒿欣
欣自滋榮下田藝嘉禾禾偃流縱橫愛憎一以別遂傷造
物平吾生亦一物營已詎非情

雨中游歷下亭分賦

紛埃各有營佳游偶然遂漾舟清川上颯沓風雨至路窮

懷清堂集 卷八
屢屈曲繞迴引幽翠泠泠葭葦叢濛濛水雲地茲亭廢已
久風雅心所識經營方在今照壁碑版字潭烟沈暝色浦
樹激寒吹采采湖中花芳洲欲誰遺伊余同懷客壺觴邈
高致碧簫還小飲香盡人已醉酒酣步前楹跳波看魚戲
湖聲萬荷葉的樂亂珠墜鵲華隱不見鐘動山南寺緬彼
千載人窈然滄洲意

九日琉璃廠登高同劉若干作

冬官搏埴歲有程千夫許許雷發聲蓬萊宮中陶萬瓦歲
久土積山崢嶸登山一笑此何有卻與今年作重九天邊
斜日暎孤雲望裏西風帶衰柳憶昔慈仁飛閣中四虛突

兀撐青空昨歲蠻江驟風雨雲幙周遮豔歌舞豈知萬里
從天涯 帝城復采黃金花悠悠感事默惆悵茫茫望古
空咨嗟君不見宋公戲馬臺英雄格鬪餘蒿萊又不見杜
老雲安宴詞客哀時淚如霰我曹幸際太平日瀚海烽銷
新罷戰佳節猶堪繼觴詠書郎莫漫憂貧賤河冰昨夜凍
桑乾積雪隱見浮雲端蒼茫臨眺日欲落激激衣上風吹
寒日飲無何愛犀首且歸與子同杯酒

送查浦之蘭州

君去過洮水關河落木空黃河繞天外白草滿榆中悲壯
寒城角蕭梢大漠風書生有燕頷辛苦笑雕蟲

懷清堂集 卷八
萬里通西極 王師獻凱旋三河遺孽少列郡戍兵閑慕
府風雲上才人文酒開霜中明獵火小隊出蕭關

送別青門側相思隴水頭因風候音旨雨雪向邊州苜蓿
連天遠琵琶出塞愁金城方畧在暫爾借前籌

二月十三日趙蒙泉孫松坪查臯亭王令詒查聲山
王赤抒吳西齋史蕉飲小集寓齋

憂端來無時忽爾曠沈寂平生慕棲隱早歲鄰緇錫朝梵
香入林夜鐘寒臥壁跣跣世緣誤老大飽更歷懷人路杳
杳撫舊事的的淒斷七條絃中心有離析

披帷來朋知勸我泛清觴云此忘憂物聊以寬中腸一酌

慮暫遣沈思緒彌長滿堂各歡娛向隅默自傷幽幽日沈
夕蔌蔌花辭房蕭條感離室半燄餘燈光

故人海曲歸

令詒新自粵還

握手共花底寒暄五流易一官偶然

耳諷諭高州謠澄明盤谷水牛刀雖一割弦歌賑然喜乃
知才且賢匪直風物美嗟嗟同袍者寂寞校三豕

與令詒話舊

五嶺清猿外相思雲海閒故人還執手尊酒爲開顏吏議
三年誤離憂半鬢斑逢春易惆悵花落憶還山

爲令詒題寫真二圖

梅花村晏坐

懷清堂集
卷八
前年君過大庾嶺清夢每到羅浮巔梅花開時雪萬樹蠻
鄉地僻心悠然歸尋圖畫記疇昔萬里迴看如咫尺想見
參橫月白時酌酒對花誰主客

竹溪聽雨

焚香永日坐蕭灑散煩襟可是清冷子翛然江海心幽藂
喧過雨淺水戲游禽他日山陰興應緣修竹林

晚登臯亭寓樓

風日登臨好乘閒還重尋春泉靜逾碧嵐翠晚來深三月
烟花節中年哀樂心檐陰黯將夕牕外有羈禽

題梅桐崖抱琴圖

先生冰雪心夙諧山水趣泠泠十指下古意窅然遇門前
敬亭山色閑穀溪屋後鳴潺潺神仙中人圖畫裏瀑布松
風試一彈

出右安門游諸園亭至座主宛平公豐臺別墅看花

盡日作八絕句

傷花淚草我何堪三月幽居閉一龕忽憶尋春春已去又
隨飛絮出城南

幽禽出谷似關情野水分畦漫漫平一道丰茸芳草路綠
楊影裏桔槔聲

淮王載酒少經過門館蕭條挂薜蘿閒覺清風入廊檻綠

鱗鱗起水微波

橋迴漠漠野田青
荷葉菱花接遠汀
多少懷人傷逝意
一時併上水邊亭

曉色聰矐錦障開
殿春花事數豐臺
天公雨露園公力
等是批紅判白來

休嗟狼籍市門前
繞郭栽多萬畛連
當日洛陽全盛日
一枝姚魏直千錢

太傅林亭初到時
銀箏絃撥玉簫吹
花光二十年如昨
老大心情付鬢絲

道山詩老驚仙語
下筆王郎含古春
廉趙風流總消歇
釣

魚臺下養花人

大雨中出廣渠門

滑滑深泥沒膝初長安街市欲生魚艱難去馬來牛跡蕭
瑟盲風凍雨餘但覺人間盡虞坂不知何處是高車隔林
燈火冥濛起恐有幽人閑讀書

新寺

萬曆時中宮建歲久
圯廢寺僧募貲重修

一徑陰濃薜荔墻偶隨放梵贊公房松梢細滴長廊雨佛

院微明小炷香空自布金思長者至今紈扇剩昭陽

舊宮
扇尚

存
百年興廢須臾事意樹心花入道場

過汪東川祭酒取園新居

高臥園林日掩扉先生真與俗情違舊因看竹人曾到新
見巢梁燕又飛香爇始知清晝永庭閑細數落花稀何來
剝啄門前客十丈紅埃未拂衣

次韻西齋毒熱見寄

清冷何路駕飛車奈此焦沙鑠石餘暑熾無緣重命酒日
長聊喜得繙書握環人似蕭閑甚熨局門知造請疎數畝
江鄉菱芡地爾時真羨結茅居

短廡深知美蔭難叢生况望繞珠玕一甌香茗因畱客兩
部鳴蛙不屬官頗愛稱身冰簟滑每思應指玉琴寒何耶

苦熱休題句大火西流取次看

何遜有
苦熱篇

效樂天體和赤杼下簾見寄

憶君六扇湘簾下吟出新詩冰齒寒當檻花宜垂處見近
秋月待卷來看小加障蔽流塵少似覺虛明拓地寬瓜飲
時時兼茗飲人閒閑殺是枝官

和赤杼鷺雛

好事誰分雪色雛羽毛未滿態先殊一闌花下看魚戲八
月秋深共鶴孤恰與野航添物色引教幽夢落江湖更憑
妙絕丹青手寫入蓮塘蓼岸圖

送令詒之銅仁任

之官鳥道外叢木子規啼人物餘三戶雲山入五溪秋風

沅水上明月夜郎西旅雁稀消息全家好共攜
昔恨播州遠今來遠更加銅人空沒水金穴枉披沙才子
烏羅長山城白葛花祇餘官舍好雲木似仙家
苗獠俗未革教化爾能爲酌酒聽蠻語焚香讀楚辭方書
防瘴癘祿米給親知詎免爲貧仕歸田且後期
輶車昔于役回首楚天長山靜鳴銅鼓林深拜竹王故人
從此去遠道若相將別後能遙憶音書未可忘

送趙明府之合浦

嶺海清泉酌更寒牛刀小試取琴彈采珠不用千餘日一
宿爭還爲長官

晚同聲山原衡飲臯亭寓樓

花鳥春來已舊游。牕中落葉倏驚秋。故人好在重攜手。

原衡

新自橋李至

明月生時更上樓。青嶂晚從烟際出。玉河寒傍檻

前流。與君長簾西風夜。不待啼鳥也白頭。

再用前韵和原衡

三年與子阻同遊。帝里風光及杪秋。歸計尚虛黃菊宅。愁懷多傍夕陽樓。悲歡事與浮雲去。富貴心如逝水流。他日相思肯相訪。應從柳市更南頭。

送蒙泉之定陶任

十載金閨蹉跎甫一官。未應悲老大已自飽。艱難跼步

驛驢厄驚濤溟渤寬浮雲俄頃事一笑爲加餐

陶唐有遺俗樸野幾人家天遠三臆國春饒一縣花訟堂
餘烏雀農譜課桑麻雉乳漸漸麥知應勞使車

散綬彤墀側疎槐蔭直廬疇咨民瘼切召見 主恩初問
俗懷輒遠談經壞壁餘君看一升飯何似五車書

往者文章契諸賢骨肉親

謂乙亥冬丙子
春文酒舊游

風流隨逝水張

飲復蕭晨鴻雁清秋節林泉我輩人他年雞黍約肯就越

江濱

夜雨

昨夜牕中月今夕林外雨庭軒落木聲兒女殘燈語忽聞

秋管引彌覺離思苦清川日東流懷人渺何許

送內人喪至潞河

營齋十萬不關渠况復長貧願總虛零落郊門送歸日兩
行白旄一轎車

也解浮塵萬事休誰能華屋不山邱愛河畢竟何時涸老
淚無端只暗流

一尋往事一傷神風雨漂搖共苦辛料得夜臺回首處尚
憐廡下伯鸞貧

三年睡起失驪珠慟哭愁雲下直沽

乙亥秋孺人以兒官
喪歸亦由潞河南下

今日重來嗚咽水夜風蕭瑟颭檣烏

小兒學語似初鶯掌上憐如玉刻成

小兒肥孺人尤愛憐之

遣向燈

前讀論語令君聽取讀書聲

淒涼橫笛不須吹宛轉哀思未是悲
一夜孤舟嬌女哭峽猿啼到斷腸時

一語重泉聞不聞平沙獨鶴叫秋羣
紙錢飛盡殘缸滅有夢如何不夢君

君歸埋骨舊青山逝矣余行老衲還
經卷藥鑪相伴住結茅已就屋三間

八月十五夜

澄明望秋月惆悵入遙帷白露霑衣袂
青苔沒履綦烏驚

飄砌葉風動隔牆枝獨有傷心者偏經搖落時

九日同西溟赤杼西齋蕉飲登慈仁寺毘盧閣以亭

臯木葉下五字爲韻

閒居當重九淒若病葉零稍思謝塵勞偶來叩禪扃升高
展遠眺傑閣起亭亭游氛斂已無豁達天宇青飄風颯然
至響戛殿角鈴顧此浮念遣恍惚逢仙靈

蔥蘢春陽敷景物麗青臯奄忽被霜露側耳寒蛩號四運
行復周狂馳無乃勞不如一杯酒爲歡尋我曹泥塗未云
卑嵩華何必高方寸起滅閒萬里爭秋毫

危欄俯萬井蒼然見喬木藹藹帝王州朱甍接華屋高

門豔羅綺清吹激絲竹美人方宴終蘭房扇餘馥寧知雲
端士蕩蕩散游目仰觀青冥遠俯視白日速

涼颺征雁起落日輕霞接悠悠天末雲蔽蔽林中葉授衣
及凜秋縫素有閨妾忽念泉下人衰淚俄映曉霜天枯百
草夜火山南獵安得迴壯心走馬逐游俠

榮瘁各有時黃花又堪把舉俗愛佳節美酒斟滿筭層軒
凭窮秋西流弱水瀉飛塵橫綺道車馬在其下人生無賢
愚意得卽瀟灑時哉引頽齡晚節冀休假

懷清堂集卷九

仁和湯右曾西厓

次韵答焦飲

百年不待年脚熟浮世風輪空
輾輓與君得閒卽相覓何
用陳遵畱尺牘憶昨春官共上時
杏花寒食炊餠粥蘭臺
職司亦何有十載堆盤飽蔬菽
精神虛費空自笑螻蛄蛟
螭雜篇幅酒人未散燕市中
荆卿悲歌漸離筑夜闌燭跋
軟語接往往屏風觸倦僕前年
君過南海南五嶺清猿繞
雲木蠻江風雨我歸楫
自着短衣歌獨速爾時相望不相
親空有離懷常在腹
帝城聯袂杪秋節采采黃花不盈

翁方期尊酒同歡娛豈意驚飈變歌哭勞生自歎扣莊在
愛弟何心賦賈鵬相看顛顛銷壯心誰念虎頭飛食肉浮
雲變滅根塵淨香火名山願已宿連天風雪常閉門不礙
打頭低置屋

佟鍾山副使將之鳳陽出所畫見貽賦此道別

凌凌懸秋光秋聲撼我屋忽驚尺素到秋色俄滿目霜中
萬木脫一叢抱寒竹離離危石旁幽花媚黃菊使君貽贈
我厚意勤所勗要令歲寒姿臭味同草木豈惟妙墨少兼
有新詩辱綢繆契分深文雅襟情獨西風迫重九清曠逸
川陸離杯出城南數別日已促鍾離連吳會壽春枕淮瀆

中丞持節時十載風轉燭羊公碑石在士女雜歌哭今來
得使君遺愛繼前躅人才備文武民力恤杼軸自茲爲政
閒轉令幽興熟清香餘燕寢白日稀吏牘過江六朝山方
寸紙可縮冶城超世想染翰風謾謾應憐埃壒底遠夢繞
林麓清游未可同勤當寄尺幅

先太孺人忌日

四十年來淚眼枯斜陽望望斷殘蕪筵前每羨探懷橘林
下常悲反哺烏馬鬣封卑憐宦薄虎兒才少覺身孤傷心
遺墨巾箱久零落芸香半有無

先太孺人手書詩集久存
笥中微傷蠹蝕近復籤整

對芋年時自慘悽遇鮭當食更酸嘶半叢苦竹寒泉漱一

樹冬生故壠低，鞠脰追隨傷愛子。
珍新料簡失賢妻，每當露冷霜清日，猶似兒時失母啼。

次韵赤抒題西齋新居兼東占敬

買宅應須更買隣，南園北曲一時新。
支分茶竈清閒地位，置書牀淡蕩人客到。
每吟嘉樹好，醉歸何用長官嗔。
就中斗室香濃處，合有桃花玉洞春。

赤抒枉約城南之遊會雨不果悵然有作

曉霧冥濛雨漸晴，幾回惆悵繞廊行。
已辜韋曲看花約，空憶章臺走馬聲。
風磴隔年醒宿酒，水亭他日聽殘鶯。
思君簾閣閒憑處，不少傷春懷舊情。

題朱文盎月波吹笛圖

不知何處最高寒
萬頃光中白玉盤
倚出秋風一聲笛
青天碧海總漫漫

可惜征衫依舊青
仍攜鐵篴過江亭
潯陽西上方空闊
定有蛟龍夜出聽

早春過碧山堂

蓓蕾花枝凍未抽
暖風行歷百花頭
魚龍戲裏看燈影
鸞鶴軍中鬪酒籌
入座迴含今古意
懷人別有管絃愁
不須惆悵東闌雪
始歎年光似水流

宴坐

冥坐焚香亦自佳
山靈物色到幽齋
一峯秀割剛當戶
老樹根穿欲迸堦
農圃心情閒甲子
壺觴風月舊朋儕
綠莎行逕籬門裏
好語吳中寄筍鞋

恭頌 大駕幸闕里

古有崇儒禮今方論道
年文明光上下聲教被
垓埏理契軒圖始功參
姒範先無爲 皇極建有
縱 聖希天絕學思洙泗
遺風尚管弦累朝勤俎
豆六代備宮懸至德涵
無始元符叶自然靈襟
三殿裏寶思五雲邊遙
接翔鸞步親分繡鳳韉
風雷環宿衛鄒魯睇山
川入徑珪簪肅登堂金
石宣晬儀迴葆吹展事
益瓊籩酒挹金盤露香
分玉闕烟

羹墻 宸思切雨露 主恩偏特下期門蓋頻頒太府錢
殊榮分後裔曠典及先賢鳧嶧新封雪滄浪未改泉市添
槐更密手植檜還圓 睿漆星辰麗 天題琬琰鐫百王
歸準則萬象入陶甄相圍觀風俗雲臺錫土田共欣時履
泰方際位乘乾盛事輝今古高詞載簡編賡歌逢景運短
筆更裁篇

恭覽 御書篤志經學四字賜韓侍郎爲作歌

金壺瑤札貞觀年神豪飛灑如雲烟清風美德近臣賜寶
貴何啻青瑤鐫雍熙淳化變朝體摛染所及神明全攀車
受貺繼前典儒臣蘇李恩猶偏明良際會魚水合翰墨照

耀星辰懸方今 聖人軼三五文思至德苞坤乾九州焜
煌八表德倬彼雲漢賡詩篇墨花泮渙邈天上人間風月
何由傳春官宗伯起吳會退之永叔知誰先九經縱橫森
武庫百家傾瀉流奔泉倚與國楨鬱梁棟寂與文士窮丹
鉛遺文如見伏生語與義欲廢康成箋公卿大夫重經術
文儒致用非徒然殊恩自得稽古力異數不問官曹遷忽
頌四字燦奎斗嘉乃六籍勤排穿 天章雲錦爛五色乍
蔭高棟扶脩椽通都歎息傳盛事求觀車馬爭喧闐鑪錘
萬象羲頡上并包八體鍾王前嘯嘯雲霧氣騰地蕩蕩日
川光流天豈惟筆精更墨妙遙識 主聖兼臣賢廟堂從

容論道暇坐倚瑤瑟鳴朱弦文章黼黻光冊府臯謨益贊
簪裾聯慶雲葩郁甘露結時有瑞氣縈珠躔燾冒子孫綿
世世永與玉軸琅函編

送姜友棠游東交卽還四明

秋氣入東郡感君羈旅心杜陵昔游地高李共登臨落日
空裘馬寒蕪自古今渡江冰雪後好寄越中吟

題黃尊古上都秋色圖

落日牛羊下遠村平沙萬馬別開屯君看沒鵲盤鵬處莽
莽青山是塞垣

八月窮邊雪片麤角弓鳴處草全枯上都一片清秋色卻

是寒林大小圖

送如九表叔之太和任

花外潘輿望若仙飛來天柱縣門前知君不愛西昌尉愛

去閒叅玉版禪

吉安產
玉版笋

聞道章江接貢江十年幽夢付篷牕洞沿山谷祠前水好
寄鯉魚時一雙

蕉

乍喜靈苗一葉生烟中新翠出檐楹小來已愛橫牕色老
去應憐聽雨聲入夜最宜清露洗幾時真見綠陰成寄言
點筆題詩客半展斜開信此情

病起遣懷四首

俗慮從知了不關
絺衣芒屨稱疎頑
居如潘岳城三面
人笑王微屋一間
墻角秋陰黃葉早
門前野水白鷗閒
也知亦有欣然處
挂頰西南點點山

何妨弊席且教溫
味道耽書業力存
偶以剪蔬叨地主
不曾食肉慕屠門
草荒塲圃蟲鳴急
秋入菰蒲雨打喧
從道王城歌吹海
一身卻傍老農村

疾甚清羸暑更加
重簾曲曲爲周遮
病昏目力拋書籍
客妙清言冰齒牙
兩卷檀弓尋物始
一篇秋水送年華
日長高着青油幔
好護堦除手種花

離騷美酒好風神常憶盧郎最可人
萬事那容多皂白一生所得是因循
亭皋景物秋無主子墨生涯既有塵暑意
漸消涼入早黑龍潭下雨來頻

題耕烟老人畫

東風一萌芽楚澤幾芳草離離石映茸茸出
波好洞庭連天見鶯羣子規冥冥啼不聞
霏微臺下神女雨縹緲水上江妃雲一幅
生綃剪不得春來沅水桃花色碧杜紅蘅
亦有情玉簫金管空相憶滿載潭州百斛酒
春帆直下麋湖口赤沙青草欲合時雲夢軒
然吞八九此時客意殊茫茫驂龍帝子游瀟湘
浮空近見戲鮪影接日遠沒飛鴻行

我念前游恍如失重見耕烟老人筆彷彿君山螺髻青川
明幽咽湘靈瑟傳聞石穴潛通吳神仙窟宅誠有無包山
雲物闕清都煩翁潑墨還作圖

送高兩詩南歸

懸榻故人去論文前會稀驚風還遞響征雁不同飛白袷
寒將卷青山久念歸因君寄朋好會采舊山薇
休嗟不得意辛苦爲浮名落日古原上閒門秋草生晚菘
和露摘時稼面場平一悟靜中樂深知達者情

畫蘭

三千年覩玉壺空阿母畱將幾葉紅今日人間太零落兔

葵燕麥任春風

香草爭書入楚詞漫搴沅芷扈江籬握蘭每待春相問空
谷無人自不知

簡野航

晨興入公門歸休午陰寂疎簾靜不卷高林雨餘滴解帶
北牖眠煩暑欣已滌沉憂曠無所冥念澹自適欵戶輪鞅
稀閒坊選幽僻摘芳苔暗徑構石雲生壁昨宵風雨中杯
酒轉愁惕念我同懷者何由展良覲

立秋前一日陳六謙民部見過

焚香小院氣氤氳寂寞誰過訪子雲忽訝清光暎鷺尾又

添佳句咏鵝羣

新城司寇贈詩有鵝羣句

杯中解帶消秋暑石上繙書

愛夕曛明日西風飄一葉井梧策策似先聞

立秋日顧九恒查悔餘同集翁蘿軒寓齋分賦以立

秋二字爲韵

炎氛何時休火雲嚙嶮立涼颼忽暗動爽氣已先入一春
復一秋年年客京邑惟驚客鬢改催歸日夜急憂生情未
免學道時猶及蕭條晚來雨颯颯林表集如共陰蟲悲恍
聞孤士泣

不樂今何爲四序倏復周百川水東注誰能挽西流且持
玉卮醪歡言酌朋儔茲日非昨日脫葉初知秋故心一以

移兩腋風颺颺親知訪我至許作半日畱明燈巷南陌蹤
跡真雲浮

雨中六首

一雨良復佳久雨何時霽欣厭已異心物情故多蔽卜居
深巷僻荏苒比再歲入秋暗愁霖屋漏避無計惟餘牕前
樹助作風雨勢紈扇委篋中秋衣行當製殘燈耿照壁忽
感下泉逝

昔在芸閣居日高猶晏眠今來披簡牘束帶隨衆賢職事
敢云疲塵勞遂已牽况此泥活活聽鼓行朝天偈仄九衢
中寸步成險艱旣歸任偃仰得性復陶然

階除蒔衆花不待清池注娟娟洗幽竹暮暮生濕霧新英
擢修莖慈蔭孤桐樹隙地蕃草木閒心寄場圃長廊自周
行雨點詎知數小兒誦論語琅琅自成趣陰曠何由開聊
此慰朝暮

生不識杯鐺無緣更論酒區區身後名大笑復何有膏蘭
徒自焚金石詎爲壽神方鍊上藥欲駐顏年久寸田養黃
芽不救白骨朽年年秋井塌望古一搔首

抱瘵雖積歲繕性常恬如幽居多暇日朋好亦未疎何來
困拳跼沒髀街生魚故人數叩門悔餘獨自繞我廬捫竹愛

新粉暎牕尋故書主人出何事舊雨空愁予

我友尚書郎西齋比屋在西鄰每共文字游愛踰骨肉親驚
嗟會面稀靈潦亦浹旬誰知巷南北邈若江海人公家出
入勞私舍升斗貧豈無世患干臨風一愁辛乾沒有時已
不負秋與春

蘿軒爲李寅谷寫秋成圖賦一詩其上

負郭二頃田太倉一囊粟二者竟誰可炯炯念自蓄朝叩
故人門高堂散蒸溽忽驚秋景滿西成紛在目依依面塲
圃曖曖見墟曲時稼久已登新酒行可漉年豐無吠犬歲
晚休叱犢田父何所云雞黍同近局披圖還太息此是腹
中欲頽上思薄田杜陵覬微祿悠悠秉耒意千載恒相屬

秋風有時起歸駕何當促借君風雅筆洗此煩惱毒李侯
金閨人雅尚拔流俗平生高遠性常恐古人獨田園不可
期山資幾時足不如南山下種豆及時熟傍舍生烟霏連
村入雲木惟應尋二老披草往來數

送杜尚書 予告歸秀水

夕夢青山朝抗章吳絲新點鬢邊霜鼎鐘勛業光前史魚
稻心情憶故鄉秘殿從知稀履跡上台猶自辨衣香 兩
朝耆舊風流在歸日先開會老堂

遺榮高節古無儔深重 君恩許賜休剩有書名滿臺閣

依然傳癖在春秋

先生好左氏
傳手自註釋

九門祖帳來天上一曲湖

光繞秀州徑欲從公輕舸去招呼海鶴狎江鷗

過可園簡王敏行郎中

寂歷虛齋境更幽不妨無事日閒遊
牕中密竹風驚夜檻外叢花雨打秋
每見草書畱几上時來濁酒過墻頭
與君雞黍爲鄰並暇卽招尋懶便休

送令詒歸松江

去國名何減還山意有餘未成三畝隱
且傍九峯居鄉物傳鱸膾門生議
蟬胥他時小兒子看讀五車書

不信時清日長令老故園貞筠如挺
拔俊鶻必騰騫物望歸封事天心重
直言會從閭闔裏還認舊巢痕

新月效義山體

風露晚來清如鈎，新月生未嗟輪盡。掩似吐鏡微明扇側，
黃金殿眉纖白玉京。殷勤待三五，莫漫悵虧盈。

東西齋時方被 旨入直武英殿仍用前韵

文雅今誰似，蕭閒不願餘。忽聞青瑣客，還上玉堂居。檢校
防幽蠹，傳鈔令小胥。茂先多未見，別有洞天書。

每嘆松成蓋，猶思杏滿園。孤鳴憐鶴警，謂西亭分路試鸞騫。

職事兼書府，官曹本正言。西莊謂了谿同下直，頻視日斜痕。

九月四日奉陪韓宗伯碧山堂桂花下作

淮南消息比何如，喜見連叢破萼初。海曲移來秋馥郁，月

中分出影扶疎偶隨杖履成高會不少琴尊在廣除聞道

杼山詩句好一枝端合寄尚書顏尚書有謝陸處士杼山寄桂花詩

桐城相國致政歸里賦呈四首

第一人須第一官乾光遙護綵雲端清標嶽立嵩衡峻雅
量春浮解渤寬魚水君臣前代少冰霜風節古人難忽思
弄艇烟江去夢把樅陽舊釣竿

三十餘年禁苑來平臨紫閣領丹臺九咳天際司霖雨五
色杓南望上台啓沃心真符 聖主陶鈞力為養羣材文
章一代懸詞律 御製詩酬日幾迴

漣漪太液水西東 賜第恩教近紫宮報國每添雙鬢雪

浮家新借半帆風蕭然襪被常如客去矣鶯花穩付公三
月江南芳草綠謝家池館畫圖中

傾都張飲接重城政事堂開國老行六萬錢

漢制丞相俸錢月六萬

從賓閣散五千卷壓相車輕青春作伴承殊渥

公以冬月予告上

特命春月行

白社投閒稱遠情他日頻勞中使問會思金鼎再

和羹

送曹峨嵎先生南歸

橋門未絕記韋編座裏春風十八年今日重持一杯酒舊

來雙鬢各蒼然

右曾甲子乙丑間在太學先生時爲本堂師

不須千騎出東方一曲菰蘆幾泊桑尺五城南韋杜客全

懷清堂集
卷九
十一
家烟雨入吳鄉

高情真與俗情違
花外紅堂客到稀
江月低時沙路闊
只應愁見鶴鴿飛

浮名何止一稊輕
懷挾風流萬古情
夢去海棠春一國
江南燕燕與鶯鶯

頭顱弘景尚嫌遲
六十狂生笑食其
種豆山南亦行樂
丹徒長憶布衣時

飛仙蹤跡定何年
蟻穴蜂衙絕可憐
他日茅山問丹訣
菖蒲潭在草堂前

買宅無勞更買鄰
江山風月等閒親
青溪九曲題詩處
誰

省龍標此後身

春明雅會罷飴餐後約浮舟計日難好淪溪茶待桑苧更
分麴米餉雲安

移居

嘗笑酣中客甕底呼不醒又嗤法士愚規規動引經寓意
於酒非酒人天倪和如暄景春移居何者是最樂得與數
子成比鄰北風漂沙寒日白層冰嵯峨厚地坼坐思廟堂
勤政理恐有咿嚶未安宅太平縱使無闕事駑下終慚負
言責歸來閉門學雕蟲時過勤苦無成功翰林彩筆明光
宮端本故查浦人長楊文薦雄悔今夕何夕歡此飲醖醖蠟燭

銅盤紅莫嫌酒苦薄莫愁尊易空年年舟載碧瓮百洞庭
春色來江東只今冬菹酸更綠恰稱腐儒飯脫粟晨鳧夜
鯉足屠門鶩炙牛心任華屋人生會少別離多清漳共宅
時幾何我當舉酒君當歌三更起立霜月苦河漢驚風吹
逝波

除夕用少陵飛騰暮景斜五字爲韻同悔餘查浦作
五首

仕宦十五年日夜苦思歸思歸竟無成一笑知我非寸祿
盜太倉憫此八口饑不念獨行士窮山懷采薇世累良已
辜初心迺多違淒厲歲云晏倦鳥還退飛

潛虬神淵底如絲氣或騰鵬鷁望赤霄遠擊有威稜我今
默白思進退兩無憑惟見齒髮改轉訝年歲增齒落不足
歎髮白不必憎所苦百年內憂患還相仍拂我掛壁弦薰
我照字燈天寒百蟲絕癡鈍餘凍蠅

往者不可追滔滔水東注來者詎幾時雖新行復故往來
無容已古今猶旦暮茲焉共守歲歲豈爲我駐一觴汎屠
蘇朋來暖寒沍歡悰甫欲集哀念潛已赴回頭十年中骨
肉死亡屢惟餘老身撫節增錯迕

晨雞未喔呀夜燭光猶炳四鄰喧爆竹伴我空齋冷是時
月旣晦蕩蕩無畱景登樓啓牕扉殘雪在西嶺餽釘盤筵

雜綵繒兒女靚吾衰不挂眼寂寞安晚境差喜文字間上
下得馳騁

九陌入朝火照耀驚林鴉醉困方欲眠奈此童僕譁門前
高車馳街鼓已五撾促起理衣裳仰看北斗斜歲華還復
春吾生亦有涯幸生 聖人世九域方一家明年返敝廬
生事勤桑麻還將元會儀歸與野老誇

懷清堂集卷九

懷清堂集卷十

仁和湯右曾西厓

和新城先生早春三咏

花下

遊絲白日春晝餘
亭亭脈脈花枝踈
不妨靚好如靜女
冶葉倡條空笑渠

春日憶樊川舊遊

南山蒼翠去天低
鈴馱秋風記舊題
謂公奉使蜀道今日樊川重

回首落花殘雨灞陵西

雪中梅花

懷清堂集 卷一
如花雪已暎似雪花爭發暖氣欲融春橫枝先卻月

爲王敏行僉事題文貞公叢竹圖

綠沈曾記三百本瓊粉還憐十數竿少不如多君自領萬
條寒碧畫中看

尙書高節世應無小筆猶畱叢竹圖昨日翠琅玕下過新
添五色鳳凰雛

題汪悔齋太常觀海圖

天書一夕下東溟奎壁曾占使者星今日乘槎問遺事只
應畱得大荒經

神遊八極本仙才歎息騎鯨去不回弱水西流三萬里更

從何處指蓬萊

恭祝 萬壽詩

巍巍至德仰我 皇苞毓天地符陰陽府脩事和百度章
端拱上理登虞唐九服作息安耕桑蠲租 賜復厚蓋藏
膏雨時布和風翔協氣感召歲屢穰民誠物阜來嘉祥重
譯萬里脩貢筐遠及烏弋黃支鄉昇平詎將咨傲忘宵衣
盱食常弗遑愛民勤政冠百王高深 聖學難測量遠紹
洙泗淵源長兩儀萬象窮豪芒旁耽圖史羅縹緗百家諸
子咸該詳天葩 睿藻日月光珠豪寶翰懸焜煌小臣簪
筆螭坳旁紀神聖功職所當遭逢景運賡明良麒麟游囿

鳳集岡朱草榮砌芝生房祥圖仙牒殊未央億萬寶曆歌
無疆

送李總憲予告歸里

乞歸乍許 詔書新鸞鶴飄然自在身長有清風留憲府

誰從嘉石辨冤民

公在法司核
擬平反甚多

廿年魚水君臣契一夕林

塘夢寐親取次烟花滿吳會爲公吟望五湖春

東門張飲畫成圖自昔輪經大雅扶愛士名爭歸沈范累
朝族自重崔盧烟消驛外晨排馬月出臺端夜集烏宅日
會煩中使問肯教鄉思老蓴鱸

上孝感相公四首

遙望杓南第一星清時名德重
朝廷致君心已超三代力學功
尤在六經家沂水源江漢白人
如嶽峙岱嵩青調元四十年來
事勲業應看鼎鼐銘

烽銷王會萬方同密侍謀深倚
相公憂樂每關天下計高

閒真見古人風

公力請解閣
務專領書局

雨來滄海雲生壁日出扶桑

翠埽空不是書紉金匱裏誰知
元老格天功

右曾克政治
典訓纂修官

見公奏對語多
人所不能言者

儒宗一代富研搜學海長懸萬古
流蒼籀文奇探秘簡咸韶音古
戛鳴球每從別派驅楊墨自有
微言接孔周東觀

遺書南史筆早傳褒貶繼春秋

明史出
公一手

春官桃李五成行，別有門庭一瓣香。曾侍康成趨石室，早
因子固拜歐陽。清心冑慕神仙宅，碩畫長畱政事堂。七十
朱顏人見否，吳絲未點鬢邊霜。

題查逸遠先生學圃圖三首

王氣銷青蓋，高人在白衣。嶺雲終不出，海鶴只孤飛。雨後
紅薑熟，秋來綠芋肥。偶然同老圃，聊息漢陰機。

用意無人識，於陵日灌園。嘉蔬比君子，香草念王孫。儒術
名元大，幽居道益尊。永懷耆舊傳，文雅萃清門。

小劫過風雨，披圖尙見之。芝蘭叢發日，裙屐共遊時。白鳳
委蛇態，青山偃蹇姿。無由牀下拜，應恨我生遲。

題蘿軒畫梅

小筆風流自一家
草堂寒色上梅花
青羊宮路千株雪
最愛橫枝竹外斜

風流裘帶寄斯文
過嶺清詩迴出羣
今日烟霏豪素上
墨花猶帶海南雲

寄淮南友人

別君每憶淮南樹
客舍河壩幾風雨
歸來空壁耿銀燈
誰復高歌聽金縷
三年執手如夢寐
終夜重思對牀語
休從塞馬論得失
肯與狙公爭喜怒
君才鬱鬱蛟龍姿
白日雷霆起烟霧
時來騰達非難事
紫蟹白魚且歸去
依人暫就

懷濟堂集
卷一
四
臯伯通乞米應思謝仁祖兒郎玉雪已可愛況伴維摩有
天女三山地軸隱嶙峋空見清泉如潑乳似君磊落吾所
伏爾雅蟲魚不妨注

聞陳斐公爲余料理山莊竹木兼完屋舍歲晚思歸

慨然有作

病夫思負暄南榮日屢曝心閑萬想滅所苦歸不速忽傳
山中書似與清景逐山中亦何有架茅幾間屋往時賢使
君山莊明副使
包公所營挂冠此卜築百年閑興廢高岸移深谷只

今摧翳餘舊觀已難復但餘潺潺水屈曲繞林麓青山爭
橫從雲表峙綠玉樓中一騁望蒼翠紛滿目我歸定何日

佳處夢已熟譬如長飢人說食甘於肉平生尊鱸興念豈
有令僕二頃不願餘山資底須足

遙憶飛來孤天竺割一峯吾廬在其下面面青芙蓉昔有
古先生知此山所從藏舟在巨壑夜半無畱蹤安知鷲嶺
西他日不再逢巖巒含窈窕落落風入松幽禽怪毛羽下

寫澄潭容靈隱古招提山門烟翠重時放出林梵或聞亭
午鐘禪誦課六時吾老性已慵但於斗室內虛白生心胷

洞中呼老猿石門蒼蘚封時來理公巖喚起泓下龍山地

多磽确負耒謝老農桑箔飼眠蠶

隙地十餘畝皆種桑

薄綿衣可縫

雜種桃李梅花時各丰茸最愛萬竿碧翠色無春冬真堂

懷清堂集
卷一
五
作記人興已如酒濃

先人有幽宮去此咫尺地經營得數椽亦爲敦祀事霜露
以時零松柏手勤植龐公歲上冢斑白偕童稚壺觴逮餽
餘屢舞躑躑醉茲堂聚同姓歡會連信次聽泉過野亭飯
僧入山寺昔者先大夫丙舍接埏埴劫灰三紀餘古木沈
寒吹攀號每念此竊祿偶然遂承家有遺書鑿楹付來嗣
中間一木石未可輕棄置法公釋門舊法微長老數遣
侍者鋤理荒廢飛
錫再三至鉢底呪老龍時時出護視柴荆具茗飲後約或
不愧惟當治尺宅勿使風雨萃

低頭拜東野退之昔曾云常恨不相從所願身爲雲雲龍

相追逐我竊舉似君憶托臭味初氣挹秋蘭芬蕭然出埃
壚學道亦已勤手披楞伽字口誦貝多文自從墮地來寧
識羶與葷周妻未爲累大布自褰帟白晳好兒郎秀穎漸
有聞吾家老禪伯家兄廣崖脫巾謝俗氛時時從子遊初地收
放紛念昔三人居亦足開其羣秋吟山月皎春躡陌草薰
少壯能幾時白髮不可耘我衰又多病如何離鄉枌並隣
墟曲中雖貧心所欣寸田養黃芽不救野火焚期君得靈
藥庶共刀圭分

寄題梅東傲居

梅東橋接白洋橋楊柳須栽幾萬條好與遮畱春色住老

夫暮暮復朝朝

癸未除夕前四日書蕉飲使滇集後四絕句

應復南中見綵雲知君落筆動星文
五花山寺昆明路誰共題襟馬上分

海雨山風手自攜不從二爨覓珠犀
益州使者空持節但拜南厓縹碧雞

山採青銅井煮鹽西南幕府利權兼
一時詩卷都將去集

倣長慶體三首
言滇事甚悉翻笑先生太不廉

仙人柱下雨芒屨舊夢憑君喚卻回
天末故人零落盡去

夜郎八年閩中丞
以下強半物故白頭無分得重來

題載書圖恭送漁洋先生請假歸新城

四紀列彤闈致君堯舜如大儒經世務所得古人書職密
典機衡心清抱冲虛一念滄海曲遙情賦歸與顧思 明
主恩欲言復躊躇但申邱壟請未及齒髮踈 至尊眷老
臣溫語聞直廬尚書天喉舌公行不再除曩賜休沐閑五
月田園居渚鴻任翔集山雲從卷舒張飲東都門何如昔
二疏僕夫秣征馬門生扶籃輿壓軫三萬軸過此不願餘
清風誰當傳圖繪禹鴻臚風神照魚鳥情話樂里閭黃花
九秋節采采盈衣裾丹雀銜書來翩翩下林墟公其出爲
國未可云遂初

喜雪

預恐來年旱三冬雪片稀如花猶未集似絮已紛飛喜極
因呼酒寒添更著衣竹間聞淅瀝凍雀亦知歸

正月六日喜得雪時尙未立春猶臘尾也

六花侵夜忽分飄宿麥初霑一寸苗已信遺蝗應入地尙
嫌積雪未封條紅樓日上融仍濕紫陌塵飛暖易消 聖
主郊壇正祈穀喜逢上瑞應今朝

扈從 大駕南巡閱河舟行至河西務同張侍郎劬

齋醮副憲實齋用風字

帝爲勤民出時和應協風人如星拱北 恩共水流東列

艦勾陳轉乘槎河漢通桃花春漲闊更試濬川功

恭讀 御製黃船記

乘流每羨龍驤遠引纜爭傳鷁首輕大知獨先周萬物至
仁實欲濟羣生雕文績綵曾無取巨浪衝風了不驚捧出
奎章齊照耀始知精意寓川衡

恭讀 御製擬田家春日詩

勸耕頻歲 主恩加東陌西阡望 翠華正以春和乘月
令每縈 睿思是田家隴餘佳麥知民樂村遠垂楊隔市
譁彷彿鹵風歌稼穡太平有象發 天葩

恭讀 御製乙酉仲春南巡船窗偶作調寄柳梢青詞

氤氳淑氣散千畦鳳舸徐行轉大堤六合同春知 帝力
八風從律自 天題祥烟時傍牙檣繞瑞羽常隨桂權低
最是讀書勤乙夜每忘月落御窗西

扈從 大駕南巡閱河

安瀾方慶奏功新善後尤煩 睿慮頻萬世利應畱澤國
十行 詔已下波臣星占共指連牛斗槎泛還如上漢津
自愧河清非頌手空隨 仙蹕紀南巡

恭覲 上親校射

遙傳校射建金麾七萃分行盡虎羆已息烽烟全盛日未
忘弧矢太平時廣場地接風雲氣曲岸 天臨日月姿的

暈三穿 神藝少萬人驚歎見真奇

崇光寺樓懷吳允哲

十七年前我到時老僧猶指舊松枝
依然竦竦竹侵逕不改潺潺水入池
桃李穠華收昨夢風埃蓬勃入新詩
一杯茗葉山樓上幾度思君與共持

晚至湖上

丁丑作

出郭塵事絕晚來幽興滋
綠尊明月下紅雨桃花時
烟水忽已暝權歌安所之
南屏夜鐘發昨與山僧期

附北信後作一絕句

故鄉誰道似天涯
旅思茫茫未有家
轉憶王城三月尾
兩

株如雪壓欄花

雨中遊攝山樓霞寺

偶與靈境契得隨緇侶尋沿洄一溪水出入萬松林寺憶
齊梁古崑從紫翠深欣然稅塵鞅猶是在山心

便踏飛梯去烟蘿絕磴懸清香度千佛微雨散諸天親洗

澗邊木還烹池上泉

白乳泉也

攝生期此地未敢望仙緣

題河上集後八首呈澤州相公

雲際搖溶春漲遲浮查日日傍天池長虹貫月滄江夜想
見龍蛇繞筆時

海山空闊杳聞琴徽指推移不可尋公在崑崙最高頂八

風解谷有遺音

龍旂羽蓋楚江邊
萬姓歌聲沸管絃
憑仗丹青元化手
寫將秀句滿吳天

一曲清溪一首詩
桃花苑外獨吟時
風流宰相承平日
卻笑檀橋只賭碁

行隨漁唱與樵風
逸興巖扉窈窕中
亦有青山好風日
無

由騎馬待山公

右曾有小墅在飛來峯左公被旨遊靈隱日右曾先在而不知也

詔

誰將逸響繼咸韶
舊隱蓮洋已寂寥

河中吳天章五言高絕時類公作清

泚王官谷中水空餘
飛瀑灑中條

褒從一字借春秋
小泊寒花古戍樓

公在滄州輒河詠罷

虛舟意超越潮迴滄海已東流

百年奎壁河東地萬古詩情一鑰多回首太行千尺雪山
川人物兩崑崙

濟州北麥大熟呈京江澤州兩相公

黃雲覆野麥登場喜覺連村餅餌香幾郡流移歸北闕兩
年冠蓋滿東方 至尊旰食憂民切元老訏謨體國長稷
契功名韓杜筆應添樂歲好篇章

李映碧先生祠

樞衣猶得薦溪蘋異代清風俎豆新直筆空聞傳舊史

先生

有南北史合注與
今本小有同異

角巾每自號遺民丹臺淚灑危言日滄

海名高勇退人長傍逋翁舊林麓待穿雪柏貫霜筠

七月三日病起至樓上

頗覺登臨嬾秋來臥病初閑聽林外雨困撥手中書抄飯
疎鐘後焚香倚枕餘喧界無地免只合此樓居

習靜欣隣接蕭蕭祇樹林每聞清夜梵時感入山心白日
哀湍瀉清霜冷葉禁那堪衰謝意斷續與年深

過雨果新熟交風豆亦肥心常愛林木戶恰對烟霏一夕
居多暇三年到恨稀自今勤汛埽高處置書帷

次新城先生韻送陳六謙郎中出守石阡

竹歌西下楚天長白納烏蠻又一鄉他日欲尋人物志風

流應記舊曹郎

離尊猶憶繞前除

謂丙子秋典
試入黔時

萬里征軺逐貢書誰料十

年還此別西風渺渺獨愁予

遙看按節下且蘭荒徼崎嶇爲一官叱馭尚畱心事在握
蛇騎虎不艱難

山城斗絕望迢迢不噉檳榔食已消莫怪瘴雲低地黑五
溪風土接三苗

龍底江濱古石田此行未用悵飛鳶侍中會要揮豪手待
賜黃金附耳蟬

題王于謝小照